



Franjevačka provincija Bosna Srebrena
www.bosnasrebrena.ba

SVJETLO RIJEČI

VJERA

DRUŠTVO

KULTURA

KUPOVINA

O NAMA


Upiši pojam...

traži

Zapadnom Balkanu nedostaje perspektiva

OBJAVLJENO: 24.07.2014. U 14:21 | AUTOR: SVJETLO RIJEČI | KATEGORIJA: SVUJET

Zapadni Balkan i njegovo približavanje Europskoj uniji, kao i simpatije koje Bosna i Hercegovina gaji prema Turskoj, neke su od tema kojima se bavi dnevna štampa s njemačkog govornog područja, prenosi portal Radija Deutsche Welle.



- Od EU preziran, od investitora izbjegavan – Zapadnom Balkanu nedostaje perspektiva – piše, pored ostalog, Thomas Fuster u listu "Neue Zürcher Zeitung" (NZZ).

- Zapadni Balkan je notorno nestabilno područje. Mnogi se nadaju stabilnosti i blagostanju članstvom u EU – prema uzoru na centralno-istočnu Europu. Ipak, čini se da je takva perspektiva neizvjesna – piše NZZ.

Na samitu održanom u Solunu u lipnju 2013. godine pored ostalog navedeno je da je "budućnost balkanskih država u EU". Danas se smatra da je takvo obećanje

samo prazna fraza. EU je od izbijanja financijske krize zauzeta sama sobom. Malo je inicijative za integracijom novih članica. Jednim dijelom i zbog toga što balkanske zemlje, privredno promatrano, nisu dovoljno atraktivne.

Kako navodi NZZ, to što je strukturalno slaba država, Hrvatska, primljena u EU i iskustva s vladavinom prava u Rumunjskoj i Bugarskoj, sve su drugo nego pozitivne stvari zbog kojih se u Briselu gotovo nitko više ne zalaže za Balkan. Godišnji izvještaji o napretku zemalja kandidata su se pretvorili u izvještaje o stagnaciji što odgovara vladama u Njemačkoj, Francuskoj, Austriji i nekim drugim zemljama. Jer, zalaganjem za integraciju regije, koji se često doživljava kao europski prljavi čošak, u "staroj" Europi se ne dobivaju glasovi birača. Takvo uskraćivanje ljubavi na Zapadnom Balkanu ne ostaje neprimijećeno. Ipak, EU u regiju i dalje zrači pozitivnom energijom i članstvo je jedan od malog broja ciljeva koji žele postići sve stranke. Doduše, treba se osvrnuti na Tursku u kojoj se pristupni proces davno pretvorio u farsu, tako da blijeđi uvjerenje da je ona dobrodošla u Briselu.

- "Dok budemo primljeni u EU, Unija neće ni postojati", često se čuje u regiji. Proširenje Brisel voli predstavljati kao tehnički proces s jasno definiranim kriterijima. Činjenica je da su prepreke daleko veće od onih koje su bile postavljene zemljama centralno-istočne Europe koje su 2004. godine postale članice EU. BiH jača veze s Turskom. U Srbiji na značaju ne dobivaju samo investitori iz Rusije, nego i šeići iz Ujedinjenih Arapskih Emirata, partneri koji ne postavljaju neugodna pitanja o vladavini prava i demokracije. U Briselu se to nerado promatra. Međutim, to je cijena koja se mora platiti za nedovoljnu zainteresiranost za vlastito predvorje – piše ovaj list.

- Nigdje u Europi Turska nije tako omiljena kao što je u Bosni i Hercegovini. Što iz toga proizilazi? – pita se Michael Martens u tekstu kojeg je objavio list "Frakfurter Allgemeine Zeitung".

- Mnogo je govora turskog predsjednika Abdullaha Güla, premijera Recepta Tayyipa Erdoğana i ministra vanjskih poslova Ahmeta Davutoğlua u kojim spominju Bosnu i Hercegovinu, Sarajevo ili na turskom čarobno ime "Saraybosna" – piše Martens i navodi neke od primjera.

Kada je Erdoğan pobijedio na parlamentarnim izborima 2011. godine, prvo je pozdravio "braću i prijatelje" u glavnom gradu BiH. "Sarajevo je danas dobilo ono što i Istanbul", istakao je Erdoğan koji je godinu dana ranije, prilikom posjeta Sarajevu, rekao "beznačajno je da li imamo zajedničku granicu ili ne. Osjećam da je ta zemlja naš prvi susjed, i zbog naše historijske odgovornosti, Bosnu nećemo nikada ostaviti na cjedilu".

Martens dalje podsjeća da u Ankari, Istanbulu i Izmiru ulice, džamije ili parkovi nose ime Alija Izetbegović. Isto tako u Sarajevu jedan park nosi ime Recep Tayyib Erdoğan. On u tekstu navodi i historijsku vezu koja potiče još iz Osmanskog Carstva, na 6.878 turskih riječi u bosanskom jeziku, ali i prenosi navode iz studije koju je uradio društveno-istraživački institut "Populari" iz Sarajeva: "Nitko nije sačuvao osmanlijsku kulturu kao što je učinila BiH. Pa ni Turci sami."

Martens navodi da se uspjesi turskih sportaša slave u Sarajevu i da bošnjački političari u Sarajevu blizinu s Turskom uzimaju kao povod da svoje europske partnere u razgovorima upozore: "Ako ne primite BiH, onda će se ona orijentirati u smjeru Turske."

KOŠARICA

0.00 KM

Ukupno artikla: (0)



NAJAVE

Ne postoji nijedna najava!



[O spavanju](#)
[Mea culpa](#)
[IV. Franjevački hod](#)
[Koje su vjere bili bosanski vladari?](#)
[Neisplakane suze](#)
[Kad je savršeno vrijeme za kavu?](#)


- Turska u Bosni pomaže u sanaciji mostova, medresa, džamija. Također daje stipendije studentima. Međutim, privredno Turska u BiH nema važnu ulogu. Najvažniji trgovinski partner BiH je Hrvatska. Trgovinska razmjena ove dvije zemlje je prošle godine iznosila gotovo dvije milijarde eura. Nakon Hrvatske slijede druge balkanske zemlje, dok je Turska na devetom mjestu. Slično je i s investicijama. Poduzetnici iz Austrije su između 1994. i 2012. godine u BiH uložili više od 1,3 milijarde eura. U istom vremenskom periodu turski investitori jedva da su u Bosnu uložili 150 miliona eura. Na osnovu toga je Turska, statistički gledano po ulaganju u BiH, između Holandije i Luksemburga. I ono gdje se ulaže je u mjestima koja su uglavnom naseljena Bošnjacima. Turska "Ziraat Bank" u BiH ima 25 filijala od kojih je samo jedna u Republici Srpskoj. Međutim, tamo su aktivni ruski investitori. Srpski član Predsjedništva BiH Nebojša Radmanović s tim u vezi kaže: "Bošnjaci vole Turske, Srbi vole Ruse." Bolje rečeno: što je jednim Erdoğan, drugima je Putin. Novac dolazi iz drugih izvora. Bosanski političari znaju zašto svoju zemlju žele odvesti u EU – piše Martens u listu "Frankfurter Allgemeine Zeitung".

Izvor: FENA

Sviđa mi se **PRETHODNE VIJESTI**

| | | | | |
|---------------------------------------------|---------------------------------------------|---------------------------------------------|----------------------------------------|---------------------------------------------|
| Od 1970. čak dva milijuna mrtvih zbog kl... | Mosulski profesor ubijen jer je branio k... | Više od 2,2 milijarde siromašnih na svij... | Malezijska kršćanka dobila slučaj "... | U Zagrebu otvorene Hrvatske svjetske igr... |
|---------------------------------------------|---------------------------------------------|---------------------------------------------|----------------------------------------|---------------------------------------------|

KOMENTARI NA ČLANAK UKUPNO (0)

NAPOMENA: Svi komentari i postovi su djelo i mišljenje njihovih autora, a ne web portala Svjetlorijeci.ba. Molimo korisnike da se suzdrže od vrijeđanja, psovanja i vulgarnog izražavanja. Portal Svjetlorijeci.ba zadržava pravo da obriše komentar bez najave i objašnjenja.

Da biste mogli komentirati ovaj članak, potrebno je da budete registrirani član Svjetlorijeci.ba portala. Ukoliko ste već registrirani, možete koristiti iste pristupne podatke.

PRIJAVA

REGISTRACIJA

Nema komentara, budite prvi!



© 2014 Svjetlo riječi - Sva prava zadržana
Web dizajn: Design21th

Prijava / Registracija | Arhiva | Impressum | Marketing